

- 362 Ich sol **nû** selbe marschalch sîn.  
liute unt guot, swaz heizet mîn,  
daz kêr ich iu gein dienstes siten.  
nie gast zuo wirte kom geriten,  
5 der im wære **als** undertân.”  
”**hêrre, iwer gnâde**”, sprach Gawan,  
”daz hân ich **ungedient** noch.  
**ich** sol iu gerne volgen doch.”  
Scherules, der lobes gehêrte,  
10 sprach, als in **sîn** triuwe lêrte:  
”sît ez sich hât **an** mich gezogt,  
ich bin vor vlüste **nû** iwer vogt,  
ez ennem iu denne daz ûzer her.  
dâ bin ich mit iu an der wer.”  
15 **mit lachendem munde er** sprach  
**hin zal den knappen**, die er dâ sach:  
”ladet ûf **iwer** harnasch über al,  
wir sulen hin nider inz tal.”  
Gawan vuor **mit sîme** wirt.  
20 Obie **nû daz** niht verbirt,  
ein spilwîp si sande,  
**die** ir vater wol **erkande**,  
**unt enbôt im solhiu** mære,  
dâ vüere ein **valschære**.  
25 ”des habe **ist** rîch unde guot.  
bitte in durch **rehten rîters** muot,  
sît er vil soldiere hât,  
ûf ors, ûf silber unt ûf wât,  
daz diz sî ir êrster gelt.  
30 **ez** vrûmt wol sibene ûf daz velt.”

D Fr4

1 *Initiale D*

1 nû] ime Fr4 3 dienstes] diens D 9 Scherules] Scervles D Tserules  
Fr4 12 nû] om. Fr4 16 hin] om. Fr4 · dâ] om. Fr4 19 sîme] sinen  
Fr4 20 Obie] Obye D obÿe Fr4 23 solhiu] sulhe Fr4 28 ûf silber  
unt] vnde uf silber Fr4 29 êrster] erste Fr4

- ich sol **nû** selber marschalch sîn.  
liute und guot, waz heizet mîn,  
daz kêr ich iu gegen dienstes siten.  
nie gast ze wirte kam geriten,  
5 der ime wære **als** undertân.”  
”**hêrre, iuwer gnâde**”, sprach Gawan,  
”daz hân ich **ungedienet** noch.  
**ich** sol iu gerne volgen doch.”  
Scherules, der lobes gehêrte,  
10 sprach, als in **sîn triuwe** lêrte:  
”sît ez sich hât **an** mich gezoget,  
ich bin vor vlüste iuwer voget,  
ez ennem iu danne daz ûzer her.  
dâ bin ich mit iu an der wer.”  
15 **mit lachendem munde er** sprach  
**hin** zuo **den knappen**, die er dâ sach:  
”ladet ûf **iuwer** harnasch über al,  
wir sullen hin nider in daz tal.”  
Gawan vuor **mit sînem** wirt.  
20 Obie **nû daz** niht verbirt,  
ein spilwîp si sante,  
**die** ir vater wol **erkante**,  
**und enbôt ime bî ir** mære,  
dâ vüer ein **valschære**,  
25 des habe **wær** rîch und guot.  
”bitte in durch **ritterlîchen** muot,  
sît er vil soldiere hât,  
ûf ros, ûf silber und ûf wât,  
daz diz sî ir êrstez gelt.  
30 **ez** vrûmt wol sibene ûf daz velt.”

m n o

1 selber] [selbe]: selber m 4 nie] Me m 7 ungedienet] vngienet  
o 9 Scherules] Scerelus m Sterules n Stenles o · gehêrte] gerte  
m 10 triuwe] om. m 11 sît ez sich hât] Sich es het sich n  
Sit es het o · gezoget] gezeigt n gezahet o 12 vlüste] fluhtte  
m verflust n 13 ez ennem iu] Es einem uch m Vnd keine  
ouch n (o) · danne] >dan< o 14 dâ] Do n o 15 lachendem]  
lachandem m 16 den] der m · dâ] do n o 18 nider] wider o 20  
Obie] Obÿe n 22 ir] iren n (o) 23 ir] der o 24 dâ] Do n o 30 ez] Er m

\*G

ich sol **iu** selbe marschalch sîn.  
liute unde guot, swaz heizet mîn,  
daz kêre ich iu gein dienstes siten.  
nie gast zuo wirtē kom geriten,  
5 der im **sô gar** wære undertân.”  
”**genâde**”, sprach **hêr** Gawan,  
”daz hân ich **unverdient** noch  
**unde** sol iu gerne volgen doch.”  
Tscherules, der lobes gehêrte,  
10 sprach, als in triwe lêrte:  
”Sît ez sich hât **ûf** mich gezoget,  
ich bin vor vlust **nû** iwer voget,  
ez ennem iu dane daz ûzer her.  
dâ bin ich *mit* iu an der wer.”  
15 **sîn munt dô lachende** sprach  
zen **knappen allen**, die er dâ sach:  
”ladet ûf **daz** harnasch über al,  
wir sulen hin nider inz tal.”  
Gawan vuor **mit sînem** wirt.  
20 Obie **daz nû** niht verbirt,  
ein spilwîp si sande,  
**die** ir vater wol **bekande**.  
**dem enbôt si** solhiu mære,  
dâ vüere ein **valschære**.  
25 ”des habe **ist** rîche unde guot.  
bit in durch **rehten rîters** muot,  
sît er vil soldiere hât,  
ûf ors, ûf silber unde ûf wât,  
daz diz sî ir êrste gelt.  
30 **ez** vrümet wol sibene ûf daz velt.”

G I O L M Q R Z Fr38

1 *Initiale* I O L Z · *Capitulumzeichen* R 11 *Initiale* G 15  
*Initiale* I 19 *Initiale* M

1 ich] ÷ch O · iu selbe] ewer selbe I selbe iwer O uch selben M  
nu selb Z 2 liute unde guot] gut vnd lute vnd I Lute gut vnd L  
Lute vnd gutes Q Lütte vnd gut vnd R · swaz] waz L (M) (Q) (R)  
(R) · heizet] ist I 3 gein] zv Z · dienstes] dienste Z (Fr38) 4 zuo  
wirtē] so wirdig R 5 der] Deme M · sô gar wære] were so gar L  
6 genâde sprach hêr] Jwer gnade herre sprach O L (M) (Q) (R)  
(Z) (Fr38) · Gawan] her Gawan R 7 unverdient] vngedienet L 8  
unde] Jch Z · iu gerne] gerne iv O úch R 9 Tscherules] Scrules I  
Tschervles O Fr38 Tshervles L Scherulus M Schirulus R · gehêrte]  
gehere R 10 triwe] sin ellen I 11 sich] om. R · ûf] an O L M Q R  
Z Fr38 · gezoget] gezogen Q (R) (Fr38) 12 nû] noch O (Z) om.  
M R 13 ennem] nêem O (R) (Z) · dane] om. I · ûzer] vber I 14  
dâ] Do Q · mit] bi G 15 dô] da M Z · lachende] lachen R 16 zen  
knappen allen] zu den cnappen I Ze allen chnappen O (M) (Z)  
Zu al den knappen L (Q) (R) (Fr38) · dâ] do O (Q) 17 ûf] om. L  
· daz] den R 18 nider] wider L Q · inz] vff das Q 19 sînem] sinen  
G sinnê Q (Fr38) 20 Obie] Obye O R Z Fr38 · daz nû] nun das  
Q 22 die] diu I · bekande] er chande O (L) (Fr38) 23 si] er G ·  
solhiu] solich R 24 dâ] Do Q · valschære] vaschare G 26 rehten]  
rehtes I (M) (R) · rîters] ritter Q 27 soldiere] soldierer I soldener  
Q solner R 28 Vf silber vf ros vnd vf wat L · ors] ors vnd Fr38  
29 ir êrste] erstez I ir erster O ir erstes Q sin erste R erste Z

\*T

ich sol selbe **iuwer** marschalch sîn.  
liute unde guot, swaz heizet mîn,  
daz kêre ich iu gegen dienstes siten.  
nie gast ze wirtē kom geriten,  
5 der im **sô gar** wære undertân.”  
”**Iuwer gnâde, hêrre**”, sprach Gawan,  
”daz hân ich **ungedienet** noch  
**unde** sol iu gerne volgen doch.”  
Tscherules, der lobes gehêrte,  
10 sprach, als in **sîn** triuwe lêrte:  
”sît ez sich hât **an** mich gezoget,  
ich bin vor verlüste iuwer voget,  
ez ennem iu danne daz ûzer her.  
dâ bin ich mit iu an der wer.”  
15 **Sîn munt dô lachende** sprach  
zuo **den knappen**, die er dâ sach:  
”ladet ûf **daz** harnasch über al,  
wir suln hin nider in daz tal.”  
Gawan vuor **unde sîn** wirt.  
20 Obye **nû daz** niht verbirt,  
ein spilwîp si sante,  
**diu** ir vater wol **bekante**.  
**dem enbôt si** sölhe mære,  
dâ vüere ein **triegære**.  
25 ”des habe **ist** rîche unde guot.  
bit in durch **rehten rîters** muot,  
sît er vil soldiere hât,  
ûf ors, ûf silber unde ûf wât,  
daz diz sî ir êrste gelt.  
30 **daz** vrümt wol sibene ûf daz velt.”

T V W

6 *Majuskel* T 15 *Majuskel* T 19 *Initiale* T

1 selbe iuwer] eúch selben W 2 swaz] vnd was W 3 dienstes]  
dienst W 4 kom] om. W 6 hêrre sprach] sprach her W 8 unde]  
Jch V · doch] ioch W 9 Tscherules] Tschervles T Schervles V De  
scherules W · gehêrte] geherten W 11 hât] om. W 14 dâ] Do V  
W 15 lachende] lachte vnd W 16 den] allen W · dâ] do V W 17  
daz] den W 19 unde sîn] mit sinem V (W) 20 Obye] Obye V  
Obyen W · nû daz] dez nv V auch do W 21 ein] Iesa ein W · si]  
sy dar W 23 Vnde enbot im bi ir mere V 24 dâ vüere] Do fvre  
V Do var W 25 ist] were V sy W 26 rehten rîters] ritterlichen V  
rechtes ritters W 29 êrste] [er\*e\*]: erstez V 30 vrümt] vrvnt T